





蠶桑萃編卷首

繪首目錄

康熙三十三年

詔勸農桑

康熙三十五年

御製耕織圖序並詩

雍正二年

聖諭重農桑

光緒二十三年

上諭飭各省舉行蠶政



蠶桑萃編

綸音卷首

聖祖仁皇帝詔

朕處深宮之中日以閭閻生計爲念每巡歷郊甸必  
循視農桑周諮耕耨田間事宜知之最悉誠能預籌  
稽事廣備災禳庶幾大有裨益

康熙三十三年四月十三日

欽定四庫全書

御製耕織圖序

朕早夜勤忠研求治理念生民之本以衣食爲天嘗  
讀幽風無逸諸篇其言稼穡蠶桑織悉具備昔人以  
此被之管絃列於典誥有天下國家者徇不可不留  
連三復於其際也西漢詔令最爲近古其言曰農事  
傷則饑之本也女紅害則寒之原也又曰老者以壽  
終幼孤得遂長欲臻斯理者舍本務其曷以哉朕每  
巡省風謠樂觀農事於南北土疆之性黍稷播種之  
宜節候早晚之殊蝗蝻捕治之法素愛諮詢知此甚  
晰聽政時恆與諸臣工言之於豐津園之側治田數

畦環以渙水阡陌井然在目桔槔之聲盈耳歲收嘉  
禾數十鍾隴畔樹桑傍列蠶舍浴繭纒絲恍然如苑  
簷部屋因構知稼軒秋雲亭以臨觀之古人有言衣  
帛當思織女之寒食粟當念農夫之苦朕惓惓於此  
至深且切也爰臨耕織圖各二十三幅朕每幅製詩  
一章以吟詠其勤苦而書之於圖自始事迄終事農  
人胼手胝足之勞蠶女繭絲機杼之瘁咸備極其情  
狀復命鏤版流傳用以示子孫臣庶俾知粒食維艱  
授衣匪易書曰惟土物愛厥心臧庶於斯圖有所感  
發焉且欲令寰宇之內皆敦崇本業勤以謀之儉以



積之衣食豐饒以共躋於安和富壽之域斯則朕嘉  
惠元元之至意也夫

康熙三十五年春二月社日



御製詩

浴蠶

邇風曾著授衣篇蠶事初興穀雨天更考公桑傳禮  
制先宜浴種向晴川

二眠

柔桑初剪綠參差陌上歸來日正遲  
邨舍家家簾幕靜春蠶新長再眠時

三眠

紅女勤劬日載陽鳴鳩拂羽恰條桑  
只因三卧蠶將老剪燭多爲夜未央

大起

春深處處掩茅堂  
滿架吳蠶婦子忙  
料得今年收繭  
倍冰絲雪縷可盈筐

捉績

連宵食葉正紛紛  
風雨聲喧隔戶聞  
喜見新蠶瑩似  
玉燈前檢點最辛勤

分箔

愛逢晴日映疎簾  
新綠如雲葉漸添  
天氣晴和蠶事  
廣移筐分箔徧茅檐

採桑

桑田雨足葉蕃滋恰是春蠶大起時負宮攜篋紛笑  
語戴雋飛上最高枝

上簇

頻執纖筐不厭疲久忘膏沐與調饑今朝士女歡顏  
色看我冰蠶作繭時

炙箔

蠶性由來苦畏寒深垂簾幕夜將闌爐頭未熟松明  
火老媪殷勤日探看

下簇

自昔蠶繰重婦功曾聞獻繭在深宮披圖喜見異  
變

滿茅屋清光積雪同

擇蘭

冰蘭方堪作素絨重綿亦藉禦深寒就中自有因材  
法揀取篋間次第觀

窖蘭

一年蠶事已成功歷數從前屬女紅聞說及時還窖  
蘭荷鋤又向綠陰中

練絲

炊煙處處繞柴籬翠釜生煮繭時無限經綸從此  
出盆頭喜色動雙眉

蠶蛾

蛾兒布子如金粟水際分飛任所之莫令繭絲遺利  
盡來年留作授衣資

祀謝

勞勞拜簇祭神桑喜得絲成願已償自是西陵功德  
盛萬年衣被澤無疆

緯

綠陰掩映野人家每到蠶時靜不譁一自夏初成繭  
後籬邊新聽響繅車

織

從來蠶績女功多當念勤勞惜綺羅織婦絲絲經手  
作夜窗猶自未停梭

絡

無衣卒歲早關情寒氣催人蟋蟀聲茅屋疎籬秋夜  
永短檠相對絡絲成

經

織經精勤有季蘭牽絲分理製羅紈鳴機來往桑陰  
裏已作吳綃匹練看

染色

凝膏比潔絡新絲傳得仙方色陸離一代文明資賁



飾須教五采備彰施

攀花

巧樣爭傳濯錦文堪憐織女最殷勤雲章霞綵娛人意自著尋常縞布裙

翦帛

手把齊紈冰雪清秋衣欲製重含情逡巡莫漫施刀尺萬縷千絲織得成

成衣

已成束帛又縫紉始得衣裳可庇身自昔宮庭多澣濯總憐蠶織重勞人



聖諭廣訓第四條重農桑以足衣食

朕聞養民之本在於衣食農桑者衣食所由出也一夫不耕或受之飢一女不織或受之寒古者天子親耕后親桑躬爲至尊不憚勤勞爲天下倡凡爲兆姓圖其本也夫衣食之道生於地長於時而聚於力本務所在稍不自力坐受其困故勤則男有餘粟女有餘帛不勤則仰不足事父母俯不足畜妻子其理然也彼南北地土雖有高下燥溼之殊然高燥者宜黍稷下溼者宜稻稔食之所出不同其爲農事一也樹桑養蠶除浙江四川湖北外餘省多不相宜然植麻

種棉或績或紡衣之所出不同其事於樹桑一也願  
吾民盡力農桑勿好逸惡勞勿始勤終惰勿因天時  
偶歉而輕棄田園勿慕奇贏倍利而輒改故業苟能  
重本務雖一歲所入公私輸用而外羨餘無幾而日  
積月累以至身家饒裕子孫世守則利賴無窮不然  
而捨本逐末豈能若是之綿遠乎至爾兵隸在戍伍  
不事農桑試思月有分給之餉倉有支放之米皆百  
姓輸納以散給爾等各贍身家一絲一粒莫不出自  
農桑爾等既言其利當彼此相安多方捍衛使農桑  
俱得盡力爾輩衣食永遠不匱則亦重有賴焉若地

方文武官僚俱有勸課之責勿奪民時勿妨民事浮  
惰者懲之勤苦者勞之務使野無曠土邑無游民農  
無捨其耒耜婦無休其蠶織卽至山澤園圃之利雞  
豚狗彘之畜亦皆養之有道取之有時以佐農桑之  
不逮庶幾克勤本業而衣食之源溥矣所慮年穀豐  
登或忽於儲蓄布帛充贍或侈於費用不儉之弊與  
不勤等甚且貴金玉而忽菽粟工文繡而廢蠶桑相  
率爲紛華靡麗之習尤爾兵民所當深戒者也自古  
盛王之世老者衣帛食肉黎民不飢不寒膏庶富之  
盛而致教化之興其道胥由乎此我

聖祖仁皇帝念切民依嘗刊耕織圖頒行中外所以敦本  
阜民者甚至朕仰惟

聖諭念民事之至重廣爲詮解勸爾等力於本務余一人  
衣租食稅願與天下共飽煖也

雍正二年二月初二日

上諭徐樹銘奏請飭各省舉行蠶政等語蠶政與農功  
並重浙江湖北直隸等省均已辦有成效各省宜蠶  
之地尙多著各督撫飭令地方官認真籌辦以廣利  
源欽此

光緒二十四年十二月初八日

香齋志

名

七



頭品頂戴直隸總督奴才裕祿跪

奏為舉辦蠶政逐漸擴充以廣利源恭摺仰祈

聖鑒事竊查前准戶部咨光緒二十三年十二月初八日奉

上諭徐樹銘奏請飭各省舉行蠶政等語蠶政興農土並重浙

江湖北直隸等省均已辦有成效各省宜蠶之地尚多即着

各督撫飭令地方官認真籌辦以廣利源欽此當經前督臣

王文韶札飭省城蠶桑局移行各屬一體遵辦嗣奉本年

七月初四日

上諭桑麻絲茶等項均為民間大利所在全在官為董勸廢幾  
各治其業成效可觀着各直省督撫督飭地方官各就土物

所宜悉心勸辦以濬利源等因欽此又於七月二十六日奉  
上諭刑部奏代遞主事蕭文昭條陳一摺中國出口貨以絲茶  
為大宗自通商以來洋貨進口日多漏卮鉅萬恃此二項尚  
堪抵制乃近年出口之數銳減若非亟為整頓恐愈趨愈下  
益無以保此利權蕭文昭所請設立茶務學堂及蠶桑公院  
不為無見著已開通商口岸及出產絲茶省分各督撫迅速  
籌議開辦以阜民生而固利源等因欽此復經前督臣聶赫  
先後檄飭遵照茲據蠶桑局將歷年辦理蠶桑情形彙  
前來奴才伏查直隸蠶桑局自光緒十八年候補道衛杰  
因直隸地脈深厚外燥內潤蔬果之屬咸勝東南何獨不

宜於桑特惠經理不得其法未覩其利先耗其資坐視民間自然之利無由而成深為可惜該道籍隸四川於樹桑育蠶之法嫻習已久擬擇保定傍水之地購覓園塲試種桑株由川招募熟手並令土著學習日後轉相傳導易於見功惟小民可與樂成難於謀始必須官為倡導迨有成效可親自視為身家性命之圖不待官為課督等情稟經前督臣李鴻章批飭設局試辦令其切實講求因地制宜冀收得尺得寸之效為北方闢此利源該道旋在省城西關購地一區種植桑秧勤加培護桑株成活蠶業繼興並飭各州縣勸諭紳民承領桑株廣為栽種一面分頒蠶子

刊發蠶桑圖說教以樹桑飼蠶繅絲之法民間知有利益  
踴躍奉行所出繭絲逐年增多由局收買運滬出售以暢  
銷路並由四川江浙雇來工匠教授紡織之法學徒領悟  
如貢緞巴緞江緞大緞浣花錦金銀羅絹帶等項均能仿  
造上年該局因成效漸著稟經王文韶加派藩臬兩司籌  
辦以期推行盡利查直隸原有蠶桑之處向僅深易二州  
完縣元氏邢臺三縣現在清苑滿城安肅東鹿高陽安州  
定興望都定州深澤曲陽冀州衡水鞏廣昌灤州昌黎撫  
甯豐潤等州縣在在皆有加以新領桑株各處共五十餘  
州縣茲據該局開報自光緒十八年起至二十三止前

後發出桑二千一百四十一萬五千株據報成活八九成  
及六七成不等本年新種成活桑苗二百五十萬株並園  
存五十八萬四千三百五十株共成三百一十萬四千三  
百五十株栽桑之法以種甚為上而蟠根壓條移栽亦可  
參用接桑之法以根接為上而皮接葉接屬接各得其宜  
計種成桑一株不過值錢二文該局所費無幾而民間獲  
利滋多竊思直隸既已設有專局勸辦通省蠶桑即與公  
院無異自可毋庸更張省南宜蠶之處尚多應飭該局督  
同各州縣因勢利導逐漸擴充務使默化潛移蔚成風俗  
以仰副

朝廷衣被羣生之至意所有遵辦緣由理合恭摺覆陳伏乞

皇太后

皇上聖鑒訓示謹

奏奉

硃批知道了欽此

頭品頂戴都察院左都御史臣徐樹銘片

再國用之富藏之於民民富則君不至獨貧民貧則君不能獨富古之訓也况戶部籌款剖析毫釐無非取之於民大亂之後民氣未復何以支持然則莫如振斯民自有之利使之通力合作以收天地生產之精華而可以通商惠工以輔國用之不足者為亟亟也從古大利在於農而阨

之以天時之水旱不能全收其利是以西陵氏教民養蠶以補農政之不足周之祚延八百數十載而豳風一篇諄諄於爰求柔桑以伐遠揚載績獻功與農政並重者所由導民以養之之政而可以為教化之本也孟子言王道曰五畝之宅樹墻下以桑殷殷為時君言之至再至三誠以為欲重民生不能舍本務而但圖末藝也况浙江之湖州湖北之武昌直隸之保定皆已舉行收有成效海內至廣高原宜山蠶下隰宜澤蠶北方養蠶晚南方養蠶早無不可以充衣食資賦稅安忍舉此南北東西數萬里之膏腴沃土而廢棄之不難而畏難苟安而不振以誤生靈而不

求富積然則經國用籌兵餉之大者全在乎此其效與農等而無蠲租濟賑之害其利大於益而無益梟偷漏之害何所畏而不為者理合附片瀝陳仰懇


上諭飭令各省督撫一體飭令府廳州縣地方將蠶政事理一  
一率行遵者保薦違者參劾不得姑寬亦不得聽其捏辭  
搪塞庶從古自然之利可以興矣謹恭摺附陳伏乞

聖鑒謹 奏奉

上諭徐樹銘奏請飭各省舉行蠶政等語蠶政與農工並重浙  
江湖北直隸等省均已辦有成效各省宜蠶之地尚多即  
着各督撫飭令地方官認真籌辦以廣利源欽此



稽古



蠶桑萃編卷一

稽古目錄

歷代詔制類

羲皇

炎帝

軒帝

唐虞

夏

商

周

秦

漢制

後漢

蜀漢

魏

吳

晉

宋

南齊

梁

陳

北魏

北周

隋

唐

後唐

後晉

後漢

後周

遼

宋

金

元

明

歷代勸課類

樹桑

爭桑

宜桑

葉桑

園中桑

旅生桑

附枝

再甚

食甚

蓄甚

八百桑

三百桑

百廿桑

桑重生

丁桑

丁桑

種農隙

充衣

出三輔

五月甚

課桑

畝二株

禁作薪

禁剝桑

毋增賦

拔茶

論功差等

毋踐桑

頒輯要

戒損桑

收甚

分畦種桑

太守佳名

醫藥考

卷

二

蠶桑萃編稽古卷一

麻代詔制類

羲皇

太昊伏羲氏化蠶桑爲總帛緼桑爲三十六疋以備  
眞理性返其天真

炎帝

炎帝神農氏謹修地理教之桑麻以爲布帛

軒帝

黃帝垂裳而天下治元妃西陵氏教民養蠶

唐虞

唐堯見舜於草茅之中席隴畝而蔭庇桑陰桑陰移而受天下

夏

禹貢桑土既蠶九州各篚所織絲之織者六

商

伊陟相大戊桑生亳

周

周公勤相成王德化宣流越裳來貢嘉禾貫桑召伯就蒸庶於阡陌隴畝而聽斷百姓大悅耕桑倍力以

勤



穆天子作居范宮以勸桑者遂飲桑中禁暴

### 秦

秦始皇遣徐福入海求一寸甚桑

### 漢制

漢文帝十三年二月甲寅詔曰皇后親蠶以奉祭服其具禮儀賜天下孤寡布帛絮各有數

景帝二年夏四月詔曰朕親耕后親蠶以奉宗廟粢盛祭服布告天下使明知朕意

昭帝元平元年春二月詔曰天下以農桑爲本

元帝建昭五年春二月詔曰方春農桑與百姓戮力

自盡之時也故是月勞農勸民

成帝陽朔四年春正月詔曰方東作時其令二千石  
勉勸農桑出入阡陌致勞來之

平帝元始元年六月置大司農丞十一二人人部一  
州以勸農桑

後漢

漢光武中元二年明帝即位十二月甲寅詔曰方春  
戒節人以耕桑其勅有司務順時氣使毋煩擾

明帝永平二年三月皇后帥公卿諸侯夫人蠶祠先

蠶禮以少牢

永平三年春正月癸巳詔曰有司勸督農桑夙夜匪懈以稱朕意

永平十年夏四月戊子詔曰百姓勉務桑稼以備災  
害吏敬厥職無使愆墮

章帝建初元年春正月丙寅詔曰方春東作宜及時  
務二千石勉勸桑

和帝永元十三年八月詔賜象林貧民失桑業者

蜀漢

亮爲相時對帝曰成都有桑八百株

魏

黃初七年命中宮蠶於北郊

吳

赤烏三年詔督軍郡守謹察當農桑時擾民者聞奏

晉

晉武帝太康六年楊皇后蠶於西郊

太康九年三月丁丑皇后親蠶於西郊賜帛各有差  
元帝太興元年秋七月戊申詔二千石令長課桑州  
牧刺史互相檢察

宋

文帝元嘉八年閏六月庚子詔曰自農桑惰業遊食

者眾宜思獎訓導以良規咸使肆力地無遺利井蠶  
樹藝各盡其力

孝武帝大明三年冬十月丁酉詔曰古者薦鞠青壇  
聿祈多慶分繭元郊以供純服來歲可使六宮妃嬪  
修親桑之禮

大明四年始於臺城西白石里爲西蠶設兆域置大  
殿七間又立蠶觀三月甲申皇后親蠶

### 南齊

明帝建武二年春正月己卯詔曰食爲民天義高姬  
載蠶實生本教重軒經前哲盛範後王茂則布令審

端咸必由之若耕蠶殊眾具以名聞游怠害業即便  
列奏

建武四年詔所在課田桑

梁

梁元帝大寶三年正月甲戌世祖下令曰軍國多虞  
戎旃未靜青領雖熾黔首宜安化俗移風常在所急  
勸耕且戰彌須自許無棄民力並分地利班勒州縣  
咸使遵承

陳

文帝天嘉元年三月丙辰詔曰今歲軍糧通減三分

之一守宰明加勸課務急農桑庶鼓腹含哺復在茲

日

北魏

明元帝永興三年春二月戊戌詔曰衣食足知榮辱  
夫人饑寒切已所急者溫飽而已其出宮人以配鰥  
民令夫耕婦織

太武帝太平眞君四年六月庚寅詔曰牧守之徒各  
厲精爲治勸課農桑

孝文帝二十年七月丁丑詔京民始業農桑爲本  
宣武帝景明三年十有二月戊子詔曰民本農桑國

重蠶績桑盛所憑冕織攸寄比京邑初基耕桑暫缺  
遺規往旨宜必祇修今寢殿顯成移御維始重郊無  
遠拂羽有辰便可營表千畝開設宮壇秉耒援筐躬  
勸億兆

北周

後周制皇后率妃嬪夫人至蠶所以太平奠先蠶西  
陵氏禮畢降壇因以公桑焉

隋

隋制皇后祀先蠶禮畢就桑位於壇東南面尙功進  
金鈎典制奉筐皇后採三條返鈎



唐

唐制皇后歲祀季春吉享先蠶散齋三日於後殿致齋一日於正寢遂以親桑皇后受鈞採桑典制奉筐受桑妃嬪命婦以次從至蠶室尙功以桑授蠶母蠶母切以授婕妤婕妤飼蠶灑一薄訖司賓引婕妤還本位尙儀前奏禮畢

唐太宗貞觀元年三月癸巳文德后率內外命婦有事於先蠶

貞觀九年三月皇后親蠶

高宗永徽三年三月制以先蠶爲中祀

顯慶元年三月辛巳皇后親蠶

上元元年三月己巳皇后親蠶

上元二年三月丁巳天后親蠶

元宗開元元年正月辛巳皇后親蠶

開元十五年五月丁亥夏至賜宰臣及供奉官諸司長官各蠶絲先帝命宮中養蠶親自臨視欲使嬪御以下知女工之事及蠶罷獲絲甚多因以賜焉

開元十七年春正月丁酉詔曰獻歲發生陽和在侯乃睠眡庶方就農桑其力役不及之務一切並停

肅宗乾元元年后親蠶苑中

乾元二年三月己巳皇后親蠶

上元三年詔天下刺史縣令令於所部勸桑

貞元二十年詔曰理化之本繫乎京師副朕憂人屬  
於長吏宜勉務農桑各安生業以舒朕懷

元和七年四月癸巳詔曰農桑務切衣食所資始聞  
閭里之間蠶織猶寡所宜勸課以利於人諸道州府  
有田戶無桑處每檢一畝令種桑兩根年終長吏具  
聞

宣宋大中元年制天下逃戶桑田限五年復業

後唐

明宗天成二年蔡州進新繭

後晉

出帝開運二年嚴禁伐桑

後漢

隱帝乾祐元年申伐桑之禁

乾祐二年太子中允侯仁寶上言請以栽蒔桑棗考課長吏

後周

太祖廣順元年正月勅農桑之務衣食所資一夫不耕有艱食之慮一婦不織有無褐之虞詔諸道府州

長吏宜勸課農桑以豐儲積編民樂業仍倍撫綏

顯德二年詔天下厚農桑薄技巧

顯德三年命工刻木爲耕夫織女狀於禁中召近臣觀之

遼

太祖天贊元年十月甲子始分二部飭國人樹桑麻習組織

太宗會同元年三月壬戌詔有司勸農桑教紡績會同三年十一月丁丑詔有司教民播種紡績

聖宗統和四年十一月辛卯譚諸軍母殘南境桑果

統和七年春正月己亥禁部從伐民桑梓

清寧二年六月乙酉遣使分道勸桑

宋

太祖建隆三年命官分詣諸道申勸課桑之令

神宗熙寧二年分遣諸路常平官專領農田水利民  
增種桑柘者毋得加賦

徽宗政和元年三月己巳詔監司督州縣長吏勸民  
增種桑柘課其多寡爲賞罰

政和元年四月詔就先蠶壇之側度地築公桑蠶室  
歲養蠶以供祭服其親蠶可以無數爲名

宣和元年三月甲戌皇后親蠶

宣和六年閏三月辛巳皇后親蠶

乾道六年二月壬寅詔諭大臣均役法嚴限田抑游  
手務農桑一務本二協力三因時

光宗紹熙三年九月丙申勸兩淮民種桑

理宗寶慶三年三月庚戌詔郡縣長吏勸農桑抑末  
作戒苛擾

端平三年春正月己未朔詔勸桑

金

世宗大定五年十二月甲申伐桑爲薪之禁令

章宗明昌元年禁末作傷農勸民栽桑每地十畝栽桑一畝違者有罪

元

世祖至元十一年三月己卯詔以勸課農桑諭高麗至元二十二年六月乙巳詔以農桑輯要書頒諸路克勤厥職者以次陞獎其怠於事者罷之

成宗元貞元年五月丙申詔以農桑水利諭中外武宗至大三年十月壬申詔諭大司農司課桑

仁宗皇慶二年申諭勸課桑

延祐二年八月庚子詔江浙行省印農桑輯要萬部



頒有司遵守勸課

延祐五年九月癸丑命刊栽桑圖說千帙散之民間  
英宗至治二年八月戊寅詔畫蠶麥圖於鹿頂殿壁  
以時觀之可知民事

泰定帝致和元年正月丁丑頒農桑舊制十四條於  
天下詔勵有司以察勤惰

文宗天厯二年二月戊戌頒行農桑輯要及栽桑圖  
至正八年夏四月乙亥詔守令選立社長專以勸課  
農桑

明

太祖洪武元年奏准桑麻科徵之額罰不種桑者使出絹一疋栽桑有成者四年後始租

洪武二年二月壬午命皇后率內外命婦蠶於北郊以爲祭祀衣服

洪武五年勅有司以農桑考課

洪武十八年議准農桑起科太重令今後以定數爲額又諭部臣禁末作華靡以無廢農桑之業

洪武二十五年令天下樹桑棗等物

洪武二十六年定桑株起科則例

洪武二十七年令戶部教民多種桑棗每一戶初年

二百株次年四百株三年六百株栽種數目造冊回奏違者遣罰

成祖永樂二年四月乙丑勅諭文武羣臣存恤軍民勸課農桑臻於治理

英宗正統六年命所司行親農桑事

正統八年令各處不出蠶絲處所每絹一疋折銀五錢解京供用

世宗嘉靖始勅禮部以每歲季春皇后親蠶於北郊後改於西苑

嘉靖九年續定親蠶儀制帝曰周禮耕蠶分南北郊

其蠶於禁中唐人便安之制耳不可爲法於是禮部請行於北郊酌治蠶禮定壇壝向制採桑器擇掌壇官翟車出入或從東華門或從元武門用謹厚內臣用肅宮禁帝從之其壇制殺先農什一建具服殿蠶室繭館俱如古制仍於西內營織堂一終蠶事

嘉靖十三年五月定內苑先蠶壇繭成進絲

歷代勸課類

樹桑

鄭子產開畝樹桑

爭桑

吳王僚因吳邊邑處女與楚邊邑之女爭界上之桑而伐楚

宜桑

齊帶山海膏壤千里宜桑麻

葉桑

鄒魯濱洙泗頗有桑麻之葉

園中桑

後漢汝南尹昆爲汝陰功曹令新到官曰園中有桑以食蠶

旅生桑

陳曙爲巫令桑旅生二萬餘株民以爲給

附枝

張堪爲漁陽太守勸民耕種百姓歌曰桑無附枝麥秀兩歧張君爲政樂不可支

再甚

獻帝興平元年九月桑再甚到元德軍於沛年荒軍

士以爲糧

食菴

表詔在河北軍人仰給桑菴爲食

蓄菴

楊沛爲新鄭長課民蓄菴積澆千餘斛太祖天  
子軍無糧沛乃進乾菴

八百桑

諸葛亮表後主曰成都有桑八百株薄田五十頃子  
孫食衣自有餘饒

三百桑

晉令丞尉以官舍有桑皆給之其無桑及不滿三百株皆使吏卒隨開於官舍種桑滿三百株

百廿桑

北燕馮跋下書曰今田畝荒穢有司不隨督察令家給人足不亦難乎桑柘之益有生之本此土少桑人未見利可令戶植桑一百二十株

桑重生

後燕錄曰初晁之遷龍城也植松爲杜主及秦滅燕大風吹拔之後數年社忽有二桑根生焉先是遼川無桑及虜通於晉求種



丁桑

沈瑀爲建德令教一丁種桑十五株女丁半之人咸  
悅頃之成林

丁桑

齊河清三年令每丁給永業二十畝爲桑田无中種  
桑五十根

種農隙

蘇綽兼司農卿奏曰三農之隙及陰雨之暇當教人  
種桑

充衣

唐李能譽謂子孫曰吾性不好貨遂至貧乏然吾近  
京城有賜田十頃桑若干根可以充衣

出三輔

范子計曰桑出三輔

五月甚

汜勝之書五月取椹著水濯洗取子 乾之好治肥  
田十畝荒久不耕者尤好耕治之黍椹子各三升合  
和種之黍桑當頃俱生鋤之桑令稀疏桑正與黍高  
下平因以利鎌厯地刈之暴令燥後有風調放火燒  
之當逆風起火桑至春生一畝食三薄蠶

課桑

隋高祖登庸元丁男中男永業露田皆遵後齊之制並課以桑

畝二株

唐元和七年夏四月勅天下州府民戶每田一畝種桑二株長吏逐年計以聞

禁作薪

會昌二年四月勅勸課種桑比有勅命如能增數每歲申聞比和並無恣加剪伐列於鄜市賣作薪蒸自今州縣所由切宜禁斷

禁剝桑

宋太祖詔在官吏諭民有能廣植桑墾闢荒田者止輸舊租民伐桑爲薪者罪之剝桑者分首從定罪一

母增賦

熙甯元年勸民栽桑帝曰農桑者衣食之本民種桑柘母得增賦

拔茶

張詠爲崇陽令令民拔茶栽桑

論功差等

乾道元年都省言誰民業宜先勸課農令丞植桑

世三萬株至六萬株守倅部內植二十萬株以並論賞  
有差

### 母踐桑

元世祖中統三年詔征戎軍士及勢官母縱畜傷禾  
稼桑棗又詔種植桑棗不得擅與不急之彼妨奪農  
時

### 頒輯要

世祖即位之初詔天下國以民爲本民以衣食爲本  
食衣以農桑爲本於是頒各路農桑輯要之書至元  
七年又頒農桑之利

戒損桑

大德年申擾農之禁縱畜牧損桑者責其償而後罪之

收葑

至大二年誰西廉訪事苗好謙獻種蒔之法其說分農民爲三等上戶地十畝中戶五畝下戶三畝或一畝皆築園之以時收桑葑依法種植武宗善而行之

分畦種桑

延祐三年以好謙所植桑皆有成效令如社出地其時桑苗以社長領之分給如社四年又令民各畦種

之

太守佳名

姜彧和濱州時行營軍士多古民田壤民桑棗彧言於中書遣官分畫疆界強猾者治之課民種桑民謂太守桑